

# SAKSPAPIR

| Saksnr | Utval         | Type | Dato       |
|--------|---------------|------|------------|
| 010/18 | Formannskapet | PS   | 07.02.2018 |
| 016/18 | Heradsstyret  | PS   | 21.02.2018 |

| Saksbehandlar  | ArkivsakID |
|----------------|------------|
| Grete Birkelid | 17/2864    |

## Søknad om kommunalt tilskot og kommunal lånegaranti til etablering av delfriidrettsanlegg i Fotlandsvåg

### Vedlegg:

Søknad kommunal garanti på lån

Søknad om kommunalt tilskot til delfriidrettsanlegg i Fotlandsvåg

Bestemmelser om kompensasjon av merverdiavgift ved bygging av idrettsanle (L)(251941) nedbetalingsplan

budsjett drift og vedlikehold

**Rådmannen sitt framlegg til vedtak:**

«Osterøy kommune stiller garanti (simpler kausjon) for lån til på kr 3 300 000,- til bygging av delfriidrettsanlegg i Fotlandsvåg. Garantiperiode: inntil lånet er innløyst, seinast 31.12.2024. Fotlandsvåg IL skal kvart år innan 31. januar sende inn oversikt over restlån med nedbetalingsplan pr. 31.12. til Osterøy kommune.

Osterøy kommune inngår eit samarbeid med Fotlandsvåg IL om å etablere delfriidrettsanlegg på kommunal grunn på Fotlandsvåg idrettsplass ved å gje kommunalt tilskot på 400 000 kr over investeringsbudsjettet for idrett og friluftsliv. Vilkår for tilskotet er at anlegget får godkjent spelemiddelsøknad.»

### Formannskapet - 010/18

#### FS - behandling:

##### AVRØYSTING

Rådmannen sitt framlegg vart samrøystes tilrådd.

#### FS - vedtak:

Formannskapet si innstilling til Heradsstyret:

«Osterøy kommune stiller garanti (simpler kausjon) for lån til på kr 3 300 000,- til bygging av delfriidrettsanlegg i Fotlandsvåg. Garantiperiode: inntil lånet er innløyst, seinast 31.12.2024. Fotlandsvåg IL skal kvart år innan 31. januar sende inn oversikt over restlån med nedbetalingsplan pr. 31.12. til Osterøy kommune.

Osterøy kommune inngår eit samarbeid med Fotlandsvåg IL om å etablere delfriidrettsanlegg på kommunal grunn på Fotlandsvåg idrettsplass ved å gje kommunalt tilskot på 400 000 kr over investeringsbudsjettet for idrett og friluftsliv. Vilkår for tilskotet er at anlegget får godkjent spelemiddelsøknad.»

### **Heradsstyret - 016/18**

#### **HS - behandling:**

##### **AVRØYSTING**

Formannskapet sitt framlegg samrøystes

#### **HS - vedtak:**

«Osterøy kommune stiller garanti (simpler kausjon) for lån til på kr 3 300 000,- til bygging av delfriidrettsanlegg i Fotlandsvåg. Garantiperiode: inntil lånet er innløyst, seinast 31.12.2024. Fotlandsvåg IL skal kvart år innan 31. januar sende inn oversikt over restlån med nedbetalingsplan pr. 31.12. til Osterøy kommune.

Osterøy kommune inngår eit samarbeid med Fotlandsvåg IL om å etablere delfriidrettsanlegg på kommunal grunn på Fotlandsvåg idrettsplass ved å gje kommunalt tilskot på 400 000 kr over investeringsbudsjettet for idrett og friluftsliv. Vilkår for tilskotet er at anlegget får godkjent spelemiddelsøknad.»

#### **Saksopplysningar:**

**Saksopplysningar:** Osterøy kommune har fått søknad frå Fotlandsvåg Idrettslag om kommunalt tilskot og kommunal lånegaranti til etablering av delfriidrettsanlegg i Fotlandsvåg. Tiltaket skal gjennomførast på kommunal eigedom i tilknytning til etablert kunstgrasbane på Fotlandsvåg idrettsplass.

#### **Bakgrunn**

#### **Delfriidrettsanlegg**

I *Kommunedelplan for Idrett, fysisk aktivitet og friluftsliv 2008-2019* vedtatt av Osterøy heradsstyre 2008 heiter det om det kommunale tilskotet:

## **«2.5 Økonomi**

*Interessa for anleggsutbygging er stor. Spriket mellom offentleg økonomi og ynskjer synes aukande. Det vert difor viktig å vurdere kostnader ikkje berre ved etablering, men og ved drift og vedlikehald av eksisterande og planlagde anlegg. For lite vekt på vedlikehald vil på sikt gje store rehabiliteringskostnader og i verste fall føra til tilbakebetaling av spelemidlar.*

*Retningsliner og vilkår for spelemidlar og andre statstilskot endrar seg frå år til år, noko som gjer det vanskeleg å planleggja.»*

## **”3.4 Kommunale tilskot—vilkår og sum.**

*I Osterøy har praksis vore at kommunen har ytt 25% av spelemiddeltilskotet der kommunen eig anlegget.*

*Kommunelova set forbod mot å løyva investeringsmidlar til tiltak i privat eige. Tilskot til private utbyggjarar må følgjeleg løyvast over driftsbudsjettet. Der er det ikkje avsett midlar.*

*Fleire søknader om spelemidlar gjeld tiltak i privat eige..*

## **3.5 Kommunale retningsliner.**

4. *Osterøy kommune vil oppmoda private utbyggjarar om ikkje å setja i gang utbygging før lovnad om forventa økonomisk stønad frå kommune/stat er klarert, og anlegget er teknisk godkjent.*

6. *Nye tiltak på anlegg i kommunal eige krev politisk handsaming før oppstart.”*

Idrettslaget søker om dekking av 25% av godkjent spelemiddeltilskot til tiltaket. Totalkostnad på prosjektet er kr 5 246 594,- eks. mva. Spelemiddeltilskot er på kr 1 600 000,- og kommunalt tilskot

utgjer då 400 000,-. Osterøy kommune eig grunnen delfriidrettsanlegget skal etablerast på.

Tidlegare politisk sakshandsaminga som gjeld bana har vore dei årlege rulleringane av handlingsprogrammet til *Kommunedelplanen for idrett, friluftsliv og fysisk aktivitet* i samband

med prioritering av idrettsanlegg tilknytt spelemiddelsøknadar.

Osterøy kommune har høve til å investere i anlegg til eige bruk. Investeringa må då verta over 100 000,- kroner. "Investeringar" under 100 000,- kroner er ikkje definert som investering, og desse midlane må såleis dekkast gjennom driftsbudsjettet.

Når det gjeld tilskot til andre aktørar, må dette ytast av midlar sett av i driftsbudsjettet.

### **Momsrefusjon**

Det er oppretta ei ordning kor lag og organisasjonar kan søkje om momsrefusjon i samband med bygging av idrettsanlegg. Ordninga vert administrert av Lotteri- og stiftelsestilsynet. Ordninga er rammestyrt. Det vil seie at det kvart år vert løyvd eit gitt beløp. Dette vert fordelt på inkomne søknader. Dersom det vert søkt om meir refusjon enn kva det er løyvd midlar til, vil alle søknader få ei lik prosentmessig avkorting.

Kr 1 300 000,- av lånet Fotlandsvåg idrettslag søker lånegranti for er momskostnader som ein kan søkje momsrefusjon for når anlegget er ferdigstilt.

### **Delfriidrettsanlegg**

Ein viser til retningslinene i Kommunedelplan for idrett, friluftsliv og fysisk aktivitet ovanfor.

Fotlandsvåg IL ynskjer å etablere delfriidrettsanlegg kring eksisterande kunstgrasbane på Fotlandsvåg idrettsplass. Om Osterøy kommune skal bidra med investeringsmidlar i tråd med kommuneplanen

lyt ein føreta eit vedtak om investering.

### **Vurdering**

#### **Folkehelse**

Vidareutvikling av idrettsplassen i Fotlandsvåg vil i ha stor verdi til bruk både i undervisning og leik

for både barneskuleelevane og barnehageborna. Idrettsplassen vert i endå større grad ein

møteplass, og ein rekrutteringsarena for idrett på Osterøy. Idrettsplassen kan nyttast på i og utanfor skuletida.

### **Lokalsamfunnsutvikling**

Lokale eldsjeler har tatt initiativ til eit samarbeid mellom Mjøsdalen IL og Fotlandsvåg IL til å etablera delfiidrettsanlegg på idrettsplassen i Fotlandsvåg. Det er to idrettslag som begge har ei stor medlemsmasse og det er potensiale for å auke rekrutteringa med eit fleirbruksanlegg i Fotlandsvåg. Vidareutvikling av idrettsplassen i Fotlandsvåg er eit positivt initiativ for utviklinga av lokalsamfunnet i Fotlandsvåg, på ein etablert møteplass i bygda.

### **Økonomi**

Dersom kommunalt tilskot vert ytt, er det eit vilkår at ein etablerer ein drifts- og vedlikehaldsavtale mellom Osterøy kommune og Fotlandsvåg IL som og skildrar eigarfordeling. Kvar part søker så om momsrefusjon i forhold til sin innskotne kapital.

Kostnader til drift og vedlikehald av idrettsplassen vil auke noko når delfiidrettsanlegget er etablert på idrettsplassen. Osterøy kommune vil bidra med sin del av drift gjennom midlane som årleg blir fordelt til drift og vedlikehald av idrettsanlegg i samråd med Osterøy Idrettsråd.

### **Konklusjon**

Rådmannen ser det som positivt at ein vidareutviklar Fotlandsvåg idrettsplass som ligg ved Fotlandsvåg barneskule og barnehage. Idrettsplassen er ein etablert møteplass i bygda og er tilgjengeleg for ålmenta. Prioritering er basert på plassering av tiltaket, at kommunen er grunneigar og økonomisk berekraftig i prosjektet. Fotlandsvåg IL stiller med eigenkapital i prosjektet og har sendt inn dokumentasjon på plan for drift og finansiering. Rådmannen ser på det som eit positivt signal for at tiltaket er økonomisk berekraftig og at kommunen difor kan stille med garanti for lån. Rådmannen rår difor til at ein gjev kommunalt tilskot og kommunal garanti for lån.